

Fo butà in questo zorno el pró de Monte vecchio, settembrío 1482; vene per primo el sestier de San Marco.

Fo inteso per li Avogadori el scampar di Zuan Gueruzi; cavato Alvise Zantani, *etiam* gastaldo de *Citra*, che era sopra l'Avogaria con do guardiani, et fo posto da basso in . . . .

Noto. Intesi el caso de la morte di la moier de Zuan Musolin. Par che questa donna feva torto a suo marido, usando con altri; et zà aleuni mexi suo marido li latò . . . . , et piú volte l'ha battuta. Hor questa notte l'andò in letto con lei, et hessendo colà l'amazò o dormendo o non, dandoli . . . . feride. Et lassò una poliza dicendo: io ho amazà questa trista perchè la meritava, et se diceva io era consentiente, aziò tutti sapia la verità, et lassò questi ducati 10, aziò la sia seputa. Et è fuzito a Ferrara.

2 *Da Sibinico, di sier Bernardo Balbi conte et capitano, di 19 marzo, ricevute a di primo april.* Come ora è gionto uno mio explorator parti heri da Clinon. Referisse za zorni 6 passò a la volta de Bossina uno orator dil serenissimo re de Romani con zerca cavalcature 60, qual va a la excelsa Porta a Constantinopoli, et conduce seco uno bellissimo presente per donar a quel illustrissimo gran Signor; et se tien per certo de li che ditto Signor turco soprasederia a cavalecar et mandar l'exercito verso l'Hongaria. Et questo l'ha da persona stà in Clinon, el qual ha hauto da me qualche apiacer, et non manco merita fede de quello merita el reverendo prè Zorzi abate; et presto se aspeta dito prè Zorzi dal qual se saperà.

*Dil ditto, di 20.* Come hozi, per via de uno servidor dil reverendo prè Zorzi abate, mandato heri de qui a posta, partito da Clinon, ha inteso quello scrisse heri; et che 'l ditto orator era gionto a uno castello apresso el Seraio, dove stanza el bassà de Bossina con cavalli 60, il qual bassà ha mandato a dir a la Porta de tal venuta, et mandato molte cavalcature per acompagnarlo, et a di 13 lo aspettavano nel Seraio. Pensa sia *etiam* uno altro orator dil re Zuane, qual porta el tributo, over qualche honorato presente al Gran Signor. Et dice se iudica de li sia per seguir certo acordo tra el re Zuane et il re Ferdinando. Se divulgava *etiam* che al Stretto se trovava da galie 60 in 80, et se ne aspetava de le altre de giorno in giorno.

*Fattura de le zogie sono ne l'elmo, con le sue stime.* <sup>31)</sup>

Nel dreto de la luna, Diamanti N. 1,		
Rubini N. 2, Turchese N. 1 . . .	ducati	3000
Nel roverso de la ditta luna, Diamanti N. 1, Rubini N. 2, Ruosa con diamanti 8 et rubino 1 . . .	»	3800
Ne la cima, perle N. 5 . . . . .	»	2500
Smeraldo grande . . . . .	»	15000
Diamanti N. 4 . . . . .	»	10000
Rubini N. 3 . . . . .	»	6000
Nel roverso de la cima, vaso zogielato . . . . .	»	1000
Rubini N. 3 . . . . .	»	800
Nel pomo de la cima, Rubini N. 3, Smeraldi N. 3 . . . . .	»	1000
Ne la prima corona, Perle N. 3 . . .	»	600
Diamanti N. 3 . . . . .	»	1000
Rubini N. 3 . . . . .	»	1000
Smeraldi N. 2 . . . . .	»	500
Ne la seconda corona, Perle N. 12 . .	»	1200
Diamanti N. 4 . . . . .	»	4000
Rubini N. 4 . . . . .	»	4000
Smeraldi N. 4 . . . . .	»	3000
Ne la terza corona, Perle N. 12 . . .	»	5000
Diamanti N. 4 . . . . .	»	10000
Rubini N. 4 . . . . .	»	10000
Smeraldi N. 4 . . . . .	»	6000
Ne la quarta corona, Perle N. 12 . .	»	8000
Diamanti N. 4 . . . . .	»	10000
Rubini N. 4 . . . . .	»	10000
Smeraldi N. 4 . . . . .	»	8000
Nel tulupante, Diamanti ponte N. 7 .	»	8000
Nel copin, Rubini N. 3 . . . . .	»	2000
Smeraldi N. 2 . . . . .	»	1000
Nel friso del copin, Diamanti N. 6 . .	»	3000
Rubini N. 7 . . . . .	»	1000
Smeraldi N. 7 . . . . .	»	1000
Nel gorzerin, Diamanti N. 8, Rubini N. 8 . . . . .	»	600
Nel pé d'ebano, oro, veluto et fattura de la cassa . . . . .	»	400
Nel oro et fattura de lo elmo, corone et panizuole. . . . .	»	5000
		<hr/>
	Summa ducati	144400

(1) La carta 2<sup>a</sup> è bianca.